



2021

ISLA(●)NLINE

Diaranson 10 Maart 2021

Email: IslaOnline@gobierno.aw Tel: 528-4900

2021

AÑA DI RECUPERACION

ISLA ONLINE

NOTICIA DI GOBIERNO



GOBIERNO DI ARUBA



PROME MINISTER DI ARUBA

EVELYN WEVER-CROES



Prome Minister Evelyn Wever-Croes PROME MINISTER TA GRADICI E HENDE MUHENAN CU A PARTICIPA DEN E PROGRAMA SPECIAL 'HENDE MUHE, E SER RESILIENTE'

E siman aki, esnan cu a forma parti di e programa special 'Hende muhe, e ser resiliente', a bini hunto riba Dia Internacional di Hende Muhe pa ricibi un regalo di aprecio pa nan participacion den e programa special aki.

Ta trata aki di sra. Erin Croes, propietario di Magic FM, sra. Anky Paesch-Chirino, propietario di Ricardo's Restaurant & Bar, sra. Sharline Koolman hefe di Departamento di Malesanan Infeccioso di DVG, sra. Ronella Croes, CEO di ATA, sra. Vanessa Tjon-Kock, Korpschef di KPA y moderadornan sra. Nadien Phillip y sra. Irina Croes cu a haci e programa aki posibel.

E enfoca di e programatabata pa pone atencion riba e trabou duro di cada un di e damanan aki na cabes di diferente organisacion y con nan a experencia e cambionan causa pa Covid. E impacto pa cada organisacion y/of sector tabata diferente, y esaki a wordo refleha tambe a traves di e entervistanan. Locual sigur a resalta ta e habilidad di cada un dama pa por adapta reglanan, maneho, creatividad, cambia forma di traha y pa keda cu un bista positivo, a pesar di e retonan, pero tambe pa por a lidera y brinda e sentido di confiansa hasta den momentonan di incertidumbre. Sigur muestra di con nos hende muhenan realmente ta 'E ser Resiliente'.

Minister-President Evelyn Wever-Croes como tambe Minister Xiomara Maduro a hiba palabra durante e atardi aki caminda nan a expresa nan aprecio na e damanan cu a conta nan storia di con nan a maneha e pandemia aki, tur for di perspectiva di cada un individualmente como hende muhe resiliente den nos comunidad.



Na final di e conbersacion, Minister Chris Romero, den nomber di Gobierno di Aruba, a entrega Prome Minister y Minister di Finansa un rama di flor como muestra di gradicimento pa nan trabounan duro y logronan realisa durante e pandemia aki y pa ta un ehempel berdaderamente di ta muhenan resiliente.

Continuacion PROME MINISTER TA GRADICI E HENDE MUHENAN....



Prome Minister Evelyn Wever-Croes: E DI 4 EDICION DI MARIA COLLEGE MAVO SU SCIENCE FAIR

E mente hoben y creativonan aki lo trece hopi solucion real den futuro pa e comunidad di Aruba y pa mundo henter



Diabierna dia 5 di maart ultimo a tuma luga e di 4 edicion di Maria College MAVO su Science Fair. E aña aki Maria College a colabora cu e Team di Aruba Futura Foundation y a cuminsa como un iniciativa di Maria College su Bèta Team. Prome Minister Evelyn Wever-Croes tambe tawata na e evento aki y a haya e oportunidad pa laga atras palabranan di encurashamento pa nos hobennan y a felicita Maria College cu e proyecto bunita aki. Prome Minister a keda impresiona cu e animo cu alumnonan tin y e interes cu nan ta pone den e proyecto.

Pa e proyecto aki, despues di varios sesionnan di 'brainstorm' hunto cu Futura a dicidi riba e tema di 'Build with Nature' y aki a parti e tema den seis (6) sector cu ta: 'Water, Green Energy, Sustainable Travel, Sustainable Materials, Biodiversity, and Food'. Nos ta orguyoso di por anuncia cu den total (8) klas di 'derde jaarlaag' y un total di 208 estudiante a participa na esaki! Un colaboracion y iniciativa sumamente exitoso!

Tin cu remarka tambe cu hasta despues di 'brainstorm' y prome cu e Science Fair Maria College a tuma iniciativa den e tema. Por ehempel a inverti den un 'Weather Station' (awor 1 di total di 3 na Aruba) unda cu awor studentenan por revisa y monitor updatenan di tempo den 'real time'. Studentenan a descubri

cu e calidad di e aire ta na e nivel mas abou durante oranan cu mayornan ta baha y busca muchanan for di scol.

Pa e Science Fair mes, e proyecto y tema a wordo introduci na december ultimo y e studentenan, den gruponan di cuatro (4) y trahando como ekipo, a traha riba nan proyectonan durante 2 luna y mey. Despues di esaki, cada grupo a entrega un video unda cu nan ta presenta nan proyecto, resultadonan y kico nan a descubri durante e periodo. Un total di 52 video a wordo entrega y presenta. Team di Futura tawata encarga pa selecta e Top 13 proyectonan.

Di e Top 13 video y proyectonan cu a wordo presenta, un panel di experto a fungi como huradonan independiente y a keda encarga pa selecta e miho 3 proyectonan. E panel di hurado a consisti di: Naviel Lue – Directie Natuur en Mileu, Kirby Barrera - Technisch Adviseur, Jonathan Leest - Docent Bouwkunde EPI, Melanie Lopez - Technisch & Duurzaamheid Adviseur, y Frank Benita - DOW Hoofd Beheer Waterschappen.

Diabierna ultimo e 3 grupo di studentenan aki a oficialmente presenta nan proyectonan na Prome Minister di Aruba, Minister di Educacion, Maestro/Maestranan di Maria College MAVO, Team di Futura, y na e panel di hurado y expertonan.

Continuacion E DI 4 EDICION DI MARIA COLLEGE MAVO....

RESULTADO Y GANADONAN

Aki na prome lugá a resulta e grupo di: "The Dexters" cu ta consisti di studiantenan Brandon Farro, Aidan Ras, Andy Perez, y Norby Leon di klas 3B unda cu e topico di nan proyecto ta 'Hydro-Energy (e uzo di awa pa produci energia). Na di dos lugá a sali un grupo di klas 3G cu ta consisti di studiantenan Ariadna Contreras, Valerie Curiel, Nicole Mendez, y Valeria Zumaraga unda cu e topico di nan proyecto ta un 'Eco-Muur' (un muraya traha di plastic recyccla). Na di tres lugá a sali un grupo di klas 3H cu ta consisti di studiantenan Therron Wijman, Isabella da Silva, Libys Willems, y Neyline Reyes unda cu e topico di nan proyecto ta 'Zuurgraad van verschillende water bronnen op Aruba'.

Prome Minsiter Evelyn Wever-Croes y Aruba Futura Foundation ta manda un palabra di pabien na tur e grupo y studiantenan cu a participa! Y un danki special tambe na e team di maestro y maestranan di Maria College MAVO, WEB Aruba NV, The Movies, y Dyon Center pa nan contribucion, e panel di hurado y expertonan pa nan tempo y colaboracion, y tambe na tur e mayornan cu a yuda haci e Science Fair aki un realidad, y uno hopi exitoso.

Nos ta convenci cu e mente hoben y creativonan aki lo trece hopi solucion real den futuro pa e comunidad di Aruba y pa mundo henter.



DOW

DOW TA INFORMA

Trabounan di asfaltamento a cuminsa na Seneblar, Brusca y Hato.
Duracion di asfalta e caminda nan lo ta te diabierna dia 12 di maart 2021.

Recordatorio cu ora nos personalnan kita e baricada nan eora ta permiti core den e asfalt.
Por fabor tene cuenta.




AVISO IMPORTANTE

Mayan 11 di maart 2021, for di 9'or di mainta te 2'or di atardi lo cera un parti di rotonde di Mahuma direccion Mahuma/Canashito pa contratista CIC N.V. haci trabounan di marcacion.

Automobilistanan cu mester bay Mahuma/Canashito, mester bay rotonde di AAA, sali riba e ventweg di Wayaca sigui pa e caminda Mahuma/Canashito.
Por fabor tene cuenta.



DIRECTIE NATUUR EN MILIEU:



TACKLING CORONAVIRUS (COVID-19): CONTRIBUTING TO A GLOBAL EFFORT



Majan ta e workshop regional pa intercambia ideanan y pa concientisacion entre e Small Island Developing States (SIDS) di e rol di conocimiento mecanismonan institucional pa cu implementacion di e Metanan di Desaroyo Sostenibel (SDG's) E evento aki ta co-coordina pa gobierno di Aruba y OECD.

Participacion ta wordo encurasha na formuladornan di maneho pa gobiernonan, parlamentarionan, sector priva, comunidad-NGO academia y institutionan di investigacion pa cu SIDS pero tambe esnan cu ta contribui na SIDS.

Nos premier Evelyn Wever Croes lo duna palabra di bonbini na e workshop, lo tin 3 diferente sessionan na unda lo tin presentacionan, encuestanan, intercambionan cu remarkenan for di expertonan di OECD y Nacionnan Uni.

Click below for registration and more info:

http://www.oecd.org/gov/pcsd/event-ensuring-a-sustainable-covid-19-recovery-in-small-island-developing-states.htm?fbclid=IwAR3RCf8x4jMKA3nwnKlp-Ct5Uy6qmpELYvREQMIT4Vi_79S1oaHLUBec3Zg



Ensuring a sustainable COVID-19 recovery in Small Island Developing States

The role of institutional mechanisms and civil service skills for SDG implemenation

A regional consultation and knowledge-sharing workshop
co-organised by the Government of Aruba and the OECD

Virtual Meeting, Thursday 11 March 2021
at 9am-12pm AST (2pm-5pm CET)





MINISTER DI FINANSA, ASUNTONAN ECONOMICO Y CULTURA

MINISTER XIOMARA MADURO

MINISTER XIOMARA MADURO A ENTREGA E BUKI "MUCHA CRIYO MI TA" NA CONSEHO DI MINISTER

Minister Maduro a haci entrega di e buki 'Mucha Crioyo Mi Ta' na Minister Lampe di Enseñansa.

Conseho di Minister tambe a ricibi un exemplaar di e buki 'Mucha Crioyo Mi Ta' dedica na e 45 añiversario di nos Himno y Bandera.

Tur scol basico y special lo ricibi un exemplaar di e buki aki cu ta dedica na nos isla en conexion cu e celebracion di 45 añiversario di Aruba su Himno y Bandera.



Minister Xiomara Maduro ta anuncia: SERIE DI PROGRAMA DI TELEVISION 'ARUBA FUERTE Y RESILIENTE – REACTIVANDO NOS ECONOMIA CU E DI DOS PARTI DI E PROGRAMA DI AGRICULTURA

Minister Xiomara Maduro ta informa cu e Serie di Programa 'Aruba Fuerte y Resiliente' – Reactivando nos Economia, ta continua e siman aki cu e segundo parti di e programa tocante di Agricultura.

E invitadonan di e siman aki ta sra. Nathalie Maduro, Directora di e Departamento di Agricultura, Cria y Pesca, miho conoci como Santa Rosa cu lo conta nos e involucmento di Santa Rosa pa cu e Maneho di Agricultura di Gobierno. Alabes nos lo tin tres invitado mas cu lo comparti nan experiencia cu plantacion.

Sr. Hubert Gibbs ta conta tocante su interes den plantacion y riba cual tipo di plantacion e ta concentra. Sra. Patricia Mitton directora di 297Farm ta splica tocante e cambianan cu ela experiencia cu su negoshi door di COVID19 y Sr. James Ocalia ta comparti su experiencia den educacion cu agricultura.

E di dos y ultimo parti di e programa di Agricultura lo pasa diaranson dia 10 di maart pa 7'or di anochi na TeleAruba y riba Facebook di Gabinete Wever-Croes.





Minister di Finansa,
Asuntonan Economico y Cultura

Serie di Programa
ARUBA FUERTE Y RESILIENTE
Reactivando Nos Economia

Diaranson
10 di maart 2021 | 7:00 PM
Topico:
Agricultura (di dos parti)
Sintonisa


GABINETE WEVER-CROES


TELEARUBA- CANAL 13




NOS PLAN, NOS FUTURO
NATIONAL STRATEGIC PLAN 2020-2022



IMPORTANT NSP ANNOUNCEMENT: COVID-19 CRISIS





GOBIERNO DI ARUBA

MINISTER DI TRANSPORTE, COMUNICACION Y SECTOR PRIMARIO

MINISTER CHRIS ROMERO**Minister Chris Romero:**

TA SUMAMENTE LAMENTABEL CON UN SITUACION NO PLANIFICA Y CU POR SOSODE CU CUALKIER PERSONA, A WORDO SACA FOR DI CONTEXTO PA UN MEDIO DI COMUNICACION, CU E SIMPEL META PA CREA UN NOTICIA SENSACIONALISTA CU NO TA BASA RIBA E HECHONAN REAL



Como mandatario di un pais, e siguridad y integridad di bo ciudadania semper mester ta principal, y como tal bo ta e prome yama, como Minister, pa cumpli na cabalidad cu reglanan y leyman.

Den cuadro di mi 45 cumpleaños, mi a bay laman pa distrae mente un rato for di tantísimo reto y compromiso cu e trabou cu mi ta ehersce pa nos pais ta existi. Un total di 7 amigo a yega pa felicítami y comparti un wega di domino cu mi un rato, algo cu ta un custumber pa nos haci. Nunca tabata tin un fiesa y mucho menos aglomeracion di persona. Simplemente 8 amigo cu a bin hunto pa comparti un rato banda di laman, cual ta practicamente un tradicion pa nos di semper.

Na momento cu a recohe tur stoel y mesa, mi persona a bandona e sitio, pero un rato despues mi a wordo informa door di mi amigonan cu e vehiculo di un di nan no tabata kier a start y mester a busca un manera pa pon'e move pa asina bandona e sitio, manera reglanan preventivo ta indica actualmente. Den e proceso cu nan tabata purbando di traha cu e vehiculo, polis a pasa controla y diligentemente a tuma nota di e situacion. No tabata tin nada contra ley tumando lugar, simplemente un situacion cu no tabata den control di ningun hende, pero tabata rekeri di un solucion rapidamente.

E ta un tristesa di mira con sensacionalismo ta e caminda cu cierto medionan di comunicacion local ta dicidi di tuma pa por mantene un audiencia, lubidando e principio, norma y balor di periodismo.


"Fake News", ta un fenomeno conoci mundialmente, pero e ta desapuntante di mira cu cierto medionan local ta prefera di tuma esaki como nan "way of doing business".

Departamento di Salud Publico:

Ya 47% di nos poblacion di 60+ a registra pa ricibi nan vacuna.
Aruba riba caminda pa su recuperacion.
Recuperacion di salud fisico, mental y social.
Recuperacion di su economia y seguridad.
Recuperacion di su cultura y custumbernan.
Registra pa bo vacuna.

Total Population Vaccination
60+

Total: 12928



1st Vaccine taken (8976)

2nd Vaccine taken (5)

Appointment Assigned (1269)

Request Pending (2678)

Departamento di Salud Publico:

Ya 29% di nos poblacion di 18+ a registra pa ricibi nan vacuna.

Aruba riba caminda pa su recuperacion.

Recuperacion di salud fisico, mental y social.


Recuperacion di su economia y seguridad.

Recuperacion di su cultura y custumbernan.

Registra pa bo vacuna.

Total Population Vaccination

Total: 28872



1st Vaccine taken (10679)

2nd Vaccine taken (12)

Appointment Assigned (1318)

Request Pending (16863)


Departamento di Salud Publico:

UPDATE 10 DI MAART 2021

Segun resumen di awe 36 persona a recupera, a registra un total di 50 caso nobo di Covid-19, di cual 7 ta no-residente. E cantidad total di testnan ehecuta ayera na e diferente localidadnan na Aruba, entre otro laboratorio di hospital, laboratorionan priva y aeropuerto ta 488 test. 'Postivity rate' entre nos residentenan ta 21%.

Casonan activo pa awe ta 221, cantidad di fayecido relaciona cu Covid-19 ta 77.

Hospital ta informa cu tin un total di 22 persona interna di cual 10 ta den Cuido Intensivo y 12 riba unidad general di covid. Edad promedio di esnan ingresa pa extra cuido ta 63 aña.

  ARUBA COVID-19			
10/3/2021	TOTAL	RESIDENTE	NO-RESIDENTE
Casonan Nobo	50	43	7
Activo	221	192	29
Recupera	7929	7455	474
Positivo	8227	7723	504
Negativo	102368	-	-
Getest	110870	-	-
Getest na Airport	71008	-	-
Morto	77	76	1





Un Feliz Dia

GABINETE WEVER-CROES

ISLA ONLINE
NOTICIA DI GOBIERNO